

Vulobealde gávnnat lieggaáibmospáppa huksenrávvagiid.



Lieggaáibmospábba – oahppi rávvagat


Biergasat ja materiálat

- Silkebáberárkkat sierralágan ivnniiguin, standárdabáhkka
- Skierat, liántat ja guhkes linjálát
- Šelges buđaldanliibma, mas millosit lea dakkár geahči, man sáhtta rullet
- Rámma várás geahppa sreanjaláigi, ovdn. stálle-, alumiidna- dahje meissetláigi
- Čahkkehanbihtát, mat leat geahppasat dahje dain leat ráiggit vai buolla álkit



Lieggaáibmospáppa seinniid huksen

1. Lieggaáibmospábba ráhkaduvvo njealji seaidnebihtás, main lea seammalágan hápmi sihke gáhtto- dahje rohpebihtás, mas lea fas earálágan hápmi. Sáhtát dahkat daid dakkár ivnniiguin main háliidat.
2. Lebbe silkebáberárkka beavddi ala ja mihtit linjálain dan rávddaide unna mearkkaid minstara mihtuid mielde. Sárggo mearkkaid gaskii sárgáid ja čuohpa badjelmearálaš bihtáid eret sárgá mielde. Bija gárvves bihtáid čábbát duolbba vuodu ala duobbelabbui vuordit, geahččal leat čárvvokeahtta silkebáhpiriid.
3. Čuohpa maiddái gáhtto- dahje rohpebihtá, man hápmi lea njealječiegat. Njealječiegaga siiddu guhkodat lea sullii 2 cm stuorát go seaidnebihtá govdodat dan bajábealde rávddas.




**Fuobmá! Dán muttus sáhtát jearrat bagadallis gii lei
Pythagoras ja maid son dagašii badjelmearálaš bihtáiguin!**



Seinniid laktin oktii

1. Seainnit liibmejuvvojit oktii sullii 1-2 cm govdodagas. Fárut, ahte liibma ii mana beavddi ala ja das silkebáhpirii! Doala badjelmearálaš silkebáhpiriid olles áigge duobbelabbos vuordimin.
2. Liibme seamma láhkai gáhtto- dahje rohpebihtá sadjái. Dás dárbbasat sihkkarit bagadalli veahkki.
3. Loahppaboáđusin lea geahppa lieggaáibmospábba. Dárkkis gávnnatgo ráiggiid ja duokŋa daid.



Njálbmeráiggi rámma, dorvoláigi ja boaldámuša gidden

1. Čuohpa metállaláiggis bihtá, mii lea guhkkodaga beales viđageardásaš seaidnebihtá vuolit oasi govdodaga ektui.
2. Máhco spáppa vuolleravddas báhpira 1-2 cm ja liibme máhcastagaid oktii nu, ahte metállaláiggit báhcet máhcastagaid gaskii. Čana metállaláiggi gežiid oktii ja čuohpa badjelmearálaš oasi eret.
3. Gidde guokte cahkkehatbihtá fuolalaččat oktii metállaláiggiin. Válde sullii 50 cm metállaláiggi ja giesa láiggi beallemuddui cahkkehatbihtáid. Gidde láiggi rámmii nu, ahte cahkkehatbihtát bohtet gasku njálbmeráiggi. Sáhtát doarjut ráhkkanusa nuppiin ceakko láiggiin.
4. Čana bagadallis ožžon dorvoláiggi spáppa rámmii ja nuppi geaži muorraguppolii.

Buorre!

**Dál dus lea gárvves lieggaáibmospábba, mii
muittuha gova spáppa.**



<https://www.ulapland.fi/FI/Kotisivut/Rakettikerho/FI/Kerhotyot/Kuumailmapallo/Rakentaminen>